



Broj: JN1-03-16-7-4-14/21
Sarajevo 17.5.2021.

Na osnovu člana 64. stav (1) tačka b) i člana 70. st. (1), (3) i (6) Zakona o javnim nabavkama ("Službeni glasnik BiH" broj 39/14), Poglavlja III. stav 3. Odluke o organizaciji Sekretarijata Parlamentarne skupštine Bosne i Hercegovine ("Službeni glasnik BiH", br. 92/05 i 63/08), člana 25. stav (1) Pravilnika o javnim nabavkama Parlamentarne skupštine Bosne i Hercegovine, broj: 03-02-4-2577-1/16, od 10.7.2017., na preporuku Komisije za nabavke iz Zapisnika o pregledu i ocjeni ponuda, broj: JN1-03-16-7-4-13/21, od 30.3.2021. u postupku nabavke usluga štampanja materijala za potrebe Parlamentarne skupštine Bosne i Hercegovine putem konkurentskog zahtjeva za dostavu ponuda, Kolegij Sekretarijata Parlamentarne skupštine Bosne i Hercegovine donosi

ODLUKU O IZBORU NAJPOVOLJNIJEG PONUDAČA

I.

Prihvata se preporuka Komisije za nabavke iz Zapisnika o pregledu i ocjeni ponuda, broj: JN1-03-16-7-4-13/21 od 30.3.2021. i Okvirni sporazum za nabavku usluga štampanja materijala za potrebe Parlamentarne skupštine BiH za period od 24 mjeseca, dodjeljuje se ponuđaču BLICDRUK d.o.o. Sarajevo, ul. Ćemaluša broj 8, 71 000 Sarajevo, IDB 4200108780006, čija ukupna cijena ponude za predmetnu nabavku, iznosi 42.608,80 KM bez PDV-a odnosno 49.852,30 KM sa uračunatim PDV-om.

II.

(1) Izabrani ponuđač dužan je dostaviti dokaze o kvalificiranosti u pogledu lične i ekonomske sposobnosti u roku od 5 (pet) dana od dana prijema obavještenja o izboru najpovoljnijeg ponuđača, prema tački 3.9. Tenderske dokumentacije za konkurentski zahtjev za dostavu ponuda za nabavku usluga štampanja materijala za potrebe Parlamentarne skupštine Bosne i Hercegovine, broj: JN1-03-16-7-4-7/21, od 10.3.2021.

(2) U slučaju da izabrani ponuđač propusti dostaviti uredne dokaze o kvalificiranosti u navedenom roku ili dostavi dokaze suprotno članu 72. stav (3) tačka a) Zakona o javnim nabavkama, Ugovorni organ će poništiti ovaj postupak nabavke.

III.

Prijedlog Okvirnog sporazuma dostavit će se na potpis izabranom ponuđaču po isteku roka od 5 (pet) dana, računajući od dana kada je ponuđač obavješten o izboru najpovoljnijeg ponuđača pod uslovom da žalba ne bude uložena i nakon urednog ispunjenja obaveze iz tačke II. ove Odluke, a po prethodno pribavljenom mišljenju Pravobranilaštva BiH.

IV.

Ova odluka objavit će se na web stranici ugovornog organa www.parlament.ba, istovremeno sa upućivanjem iste ponuđačima koji su učestvovali u postupku javne nabavke, shodno čl. 70. stav (6) i 71. stav (2) Zakona o javnim nabavkama.

Образложење

Postupak javne nabavke pokrenut je Odlukom o pokretanju postupka javne nabavke usluga štampanja materijala za potrebe Parlamentarne skupštine Bosne i Hercegovine, broj: JN1-03-16-7-4/21, od 19.2.2021. Ukupna procjenjena vrijednost javne nabavke iznosila je 50.000,00 KM sa PDV-om za period 24 mjeseca. Komisija za nabavke imenovana je Rješenjem Kolegija Sekretarijata, broj: JN1-03-16-7-4-2/21, od 19.2.2021. Javna nabavka provedena je putem konkurentskog zahtjeva za dostavu ponuda. Tenderska dokumentacija Ugovornog organa, broj:

JN1-03-16-7-4-7/21, od 10.3.2021. objavljena je u sistemu „E-nabavke“, kao i Obavještenje o nabavci, broj: 166-7-2-7-3-14/21, od 10.3.2021. Poziv za preuzimanje tenderske dokumentacije sa Portala javnih nabavki upućen je na sjedište četiri ponuđača i to:

- BLICDRUK d.o.o. Sarajevo, ul. Ćemaluša 8, 71 000 Sarajevo
- CPU Printing company d.o.o. Sarajevo, ul. Vitomira Lukića 14, 71 000 Sarajevo
- MARGO d.o.o., ul. Aerodromska bb, 71 126 Istočna Ilidža
- ŠTAMPARIJA FOJNICA d.d., ul. Prokoški put bb, 71 270 Fojnica

Tendersku dokumentaciju za nabavku usluga štampanja materijala za potrebe Parlamentarne skupštine BiH sa Portala javnih nabavki preuzelo je ukupno 30 ponuđača. Dana 17.3.2021. ponuđač Blicdruk d.o.o. Sarajevo je putem sistema „E-nabavke“ zatražio pojašnjenje Tenderske dokumentacije, koje je dato i objavljeno u sistemu dana 18.3.2021.

Do termina zakazanog za predaju ponuda odnosno do 24.3.2021. do 10,00 sati pristigle su dvije ponude i to:

Redni broj zaprimanja ponuda	Naziv i sjedište ponuđača
1.	BLICDRUK d.o.o. Sarajevo, ul. Ćemaluša 8, 71 000 Sarajevo
2.	PRINTLINE d.o.o. Sarajevo, ul. Rogina 15, 71 000 Sarajevo

Komisija za nabavke je izvršila javno otvaranje ponuda i evaluaciju istih, o čemu je sastavljen Zapisnik o zaprimanju ponuda, broj: JN1-03-16-7-4-9/21, od 24.3.2021., Zapisnik o otvaranju ponuda, broj: JN1-03-16-7-4-10/21, od 24.3.2021., i Zapisnik o pregledu i ocjeni ponuda, broj: JN1-03-16-7-4-13/21, od 30.3.2021., sa preporukom o izboru najpovoljnijeg ponuđača.

Zadnjim navedenim zapisnikom konstatovano je da je **Ponuda ponuđača PRINTLINE d.o.o. Sarajevo, broj: 01-3-21, od 22.3.2021. neprihvatljiva** za ugovorni organ, jer ne sadržava obične kopije izvještaja Centralne banke BiH o historiji računa za osam računa ponuđača od ukupno 12 računa ponuđača navedenih u dostavljenom Izvještaju Centralne banke BiH o računima poslovnog subjekta, kako je zahtjevano u tač. 3.3. i 4. pod 9. Tenderske dokumentacije Ugovornog organa, broj: JN1-03-16-7-4-7/21, od 10.3.2021., shodno čemu je zaključeno da zatraženi uslov o neblokiranosti računa ponuđača u prethodne dvije godine nije ispunjen/dokazan.

Također zapisnikom je konstatovano da je **Ponuda ponuđača BLICDRUK d.o.o. Sarajevo, broj: 62/21, od 23.3.2021. prihvatljiva** za Ugovorni organ, jer ispunjava sve formalno pravne, lične, ekonomsko-finansijske i tehničke/profesionalne uslove, odnosno zahtjeve ugovornog organa.

U Zapisniku o pregledu i ocjeni ponuda navedeno je da je izvršena računska ispravka u ponudi ponuđača Printline d.o.o. Sarajevo, te da je nije provedena planirana E-aukcija, u skladu s članom 3. stav (3) Pravilnika o uslovima i načinu korištenja E-aukcije („Službeni glasnik BiH“, broj 66/16), iz razloga što je za samo jednu ponudu utvrđena prihvatljivost.

U Zapisniku je sadržano i to, da Komisija, zbog prihvatljivosti samo jedne ponude, nije provodila ni fazu vrednovanja i rangiranja prihvatljivih ponuda (po kriteriju „Najniža cijena“ i prema rezultatima E-aukcije), te je konstatovala sljedeće:

Ponuđač	Opis predmeta nabavke	Ukupna konačna cijena ponude bez datog popusta s PDV-om (E-aukcija nije održana)
BLICDRUK d.o.o. Sarajevo Ponuda, broj: 62/21, od 23.3.2021.	Usluge štampanja materijala za period 24 mjeseca prema tehničkoj specifikaciji-Aneks 2. Obrazac za cijenu ponude (36 artikala)	49.852,30 KM

Shodno navedenom, Komisija za nabavke preporučila je Kolegiju Sekretarijata (Zapisnik, broj: broj: JN1-03-16-7-4-13/21, od 30.3.2021. u prilogu), da u postupku nabavke usluga štampanja materijala za potrebe Parlamentarne skupštine BiH, donese Odluku o izboru najpovoljnijeg ponuđača za BLICDRUK d.o.o. Sarajevo, ul. Ćemaluša broj 8, 71 000 Sarajevo, IDB 4200108780006, čija ukupna cijena ponude za predmetnu nabavku, iznosi 42.608,80 KM bez PDV-a odnosno 49.852,30 KM sa uračunatim PDV-om. Kolegij Sekretarijata Parlamentarne skupštine Bosne i Hercegovine prihvatio je preporuku Komisije za nabavke da se ponuđač Blicdruk d.o.o. Sarajevo izabere za realizaciju Javne nabavke usluga štampanja materijala za potrebe Parlamentarne skupštine Bosne i Hercegovine putem Okvirnog sporazuma zaključenog s jednim ponuđačem na period od 24 mjeseca, te je odlučio kao u dispozitivu odluke.

Pravna pouka:

Protiv ove odluke može se izjaviti žalba u pisanoj formi Parlamentarnoj skupštini BiH – Kolegiju Sekretarijata u minimalno tri originalna primjerka u roku od pet dana od dana prijema ove odluke direktno ili preporučenom poštanskom pošiljkom.

Dostavljeno:

- BLICDRUK d.o.o. Sarajevo, ul. Ćemaluša 8, 71 000 Sarajevo
- PRINTLINE d.o.o. Sarajevo, ul. Rogina 15, 71 000 Sarajevo
- Sektoru za finansije
- a/a

KOLEGIJ SEKRETARIJATA:

Mirza Imamović _____

Gordana Živković _____

Marin Vukoja _____